



Ovaj projekat finansira Evropska unija

Poziv za prijavljivanje sa projektnim prijedlozima u okviru programa



SMJERNICE ZA APLIKANTE

Rok za podnošenje prijava: 1. april 2022.



1. UVOD

Odgovorno i solidarno: građani preuzimaju inicijativu je projekt koji realizuje Fond za aktivno građanstvo - fAKT, u partnerstvu sa nevladnim organizacijama Udruženje roditelja djece sa teškoćama u razvoju „Zračak nade“ i Aktivna zona.

Opšti cilj projekta je jačanje kapaciteta organizacija građanskog društva da budu profesionalni, učinkoviti, odgovorni i nezavisni akteri - *naročito pružalaca socijalnih usluga i omladinskih organizacija*. U skladu sa tim, krajnji korisnici projekta će biti mladi i ranjive grupe, pogođene ekonomskim i socijalnim posljedicama Covid-19 pandemije u Crnoj Gori.

Osim doprinosa razvoju organizacija građanskog društva (OGD), pružanjem finansijske podrške i mentorstva, projekt će doprinijeti i poboljšanju vidljivosti i slike OGD u široj javnosti, putem kampanje podizanja svijesti o tome kako odgovorne i učinkovite OGD doprinose jačanju solidarnosti i optimizma u svojim zajednicama.

Jedna od važnih komponenti projekta odnosi se i na kreiranje i promociju politika za stvaranje povoljnijeg okruženja za pružaoce socijalnih usluga i omladinskih organizacija, kao i preporuka za samoregulaciju OGD u oblasti razvoja i implementacije standarda profesionalnih, učinkovitih i odgovornih organizacija.

Projekat finansira Evropska unija, dok će kofinansiranje biti obezbijeđeno od strane Ministarstva javne uprave, digitalnog društva i medija.

2. CILJ POZIVA

Dva su specifična cilja ovog poziva za dodjelu finansijske podrške:

- promovisanje inovativnih pristupa najugroženijim grupama, posebno grupama pogođenim posljedicama pandemije - uključujući mlade, djecu sa smetnjama u razvoju i osobe sa invaliditetom, naročito van glavnog grada, u manje razvijenim oblastima.
- promovisanje uloge kompetentnih, transparentnih, učinkovitih i odgovornih aktera među omladinskim i organizacijama koje pružaju socijalne usluge.

3. PRIORITETNE OBLASTI / TEME I PRIHVATLJIVE AKTIVNOSTI

Očekuje se da predloženi projekti budu tematski usmjereni na sljedeće oblasti:

- Aktivno građansko učešće u procesu javnih politika, promovisanjem inovativnih akcija koje su usmjerene na najugroženije grupe, posebno onih koje su pogođene posljedicama pandemije;
- Promocija zajedničkog djelovanja lokalnih vlasti i aktera građanskog društva, u pružanju socijalnih i ekonomskih usluga ili aktivnosti;
- Povećanje uključenosti građanskog društva u dijalog sa državnim institucijama vezano za politike pružanja socijalnih usluga najugroženijim grupama;
- Zaštita socijalnih, ekonomskih i kulturnih prava, naročito za ranjive grupe koje su pogođene ekonomskim i socijalnim posljedicama pandemije, kroz pružanje prilika da



- ostvare jednak pristup obrazovanju, zdravlju (uključujući psihološku podršku), stručnoj obuci, zapošljavanju, i ostalim javnim uslugama;
- Poboljšanje kvaliteta pružanja socijalnih usluga (korišćenje inovativnih rješenja, primjena najboljih evropskih praksi);
 - Promocija inovativnih akcija usmjerenih na mlade (volontiranje, rad sa mladima i omadinske politike);
 - Promovisanje akcija za osobe sa invaliditetom, djecu sa smetnjama u razvoju, ili druge ranjive grupe;
 - Jačanje pružanja usluga najranjivijim grupama, uključujući i usluge podrške ženama sa iskustvom rodno zasnovanog nasilja;
 - Promocija socijalnog preduzetništva;
 - Promocija podrške volontiranju i građanskim inicijativama, naročito na lokalnom nivou.

Programom će se finansirati samo akcije u okviru definisanih oblasti i tema, koje doprinose ostvarivanju cilja Poziva i cjelokopnog programa. Aplikanti se ohrabruju da aktivnostima obuhvate manje razvijena područja u Crnoj Gori. Aktivnosti koje doprinose smanjenju polarizacije i tenzija u Crnoj Gori će imati prioritet.

Aktivnosti koje mogu biti podržane

- Monitoring sprovođenja javnih politika, akcionih planova i indikatora njihove realizacije;
- Jačanje kapaciteta organizacija građanskog društva i ostalih relevantnih aktera, za monitoring javnih politika;
- Aktivnosti na mobilizaciji i osnaživanju ranjivih grupa (uključujući i kreiranje radnih mjesata);
- Jačanje postojećih platformi, mreža ili koalicija građanskog društva, vođenje kampanja i saradnja na pitanjima vezanim za prioritete/oblasti konkursa;
- Podrška prikupljanju odgovarajućih informacija, uključujući istraživačke i statističke podatke, kako bi se relevantnim donosiocima odluka omogućilo da formulišu i sprovode politike;
- Razmjena informacija, znanja i iskustava;
- Organizacija treninga i sprovođenje programa obuke;
- Organizacija foruma/platformi za poboljšanje dijaloga i umrežavanje između građanskog društva i donosioca odluka o pitanjima i prioritetima ovog poziva;
- Organizovanje seminara, konferencija, radionica, okruglih stolova, i sličnih događaja.;
- Aktivnosti monitoringa i evaluacije, npr. u kontekstu procesa pristupanja Evropskoj uniji;
- Objavljivanje izvještaja o monitoringu, brošura, priručnika o najboljim praksama, online i drugih materijala;
- Organizovanje inovativnih kulturnih dešavanja, predstava, izložbi i takmičenja;
- Priprema i sprovođenje kampanja informisanja i podizanja svijesti javnosti;
- Istraživanje i analitička procjena/komparativna analiza institucija, mjera i praksi za pružanje javnih usluga, sa davanjem preporuka i njihovim praćenjem.

Napomena: navedena lista nije ograničavajuća, već ima svrhu smjernica u kontekstu ciljeva, prioriteta i oblasti/tema konkursa. Rodna dimenzija u okviru prijedloga projekata je naročito preporučljiva.



Ograničenja: aktivnosti koje ne mogu biti podržane

- Akcije koje se tiču samo ili uglavnom individualnog sponzorstva za učešće na radionicama, seminarima, konferencijama i sl.;
- Akcije koje se tiču samo ili uglavnom individualnog stipendiranja za studije ili obuke;
- Akcije koje se tiču samo ili uglavnom studijskih posjeta ili učešća na međunarodnim forumima;
- Infrastrukturni projekti ili projekti dominantno fokusirani na nabavku opreme;
- Kupovina i/ili renoviranje zgrada ili kancelarija;
- Aktivnosti preduzete prije potpisivanja ugovora;
- Akcije usmjerene na ostvarivanje profita;
- Akcije koje se odnose na dobrovorne donacije (kupovina dobara radi njihove podjele);
- Akcije koje diskriminisu pojedince ili grupe na osnovu pola, seksualne orijentacije, vjerskih uvjerenja ili izostanka istih, ili etničkog porijekla;
- Akcije koje podržavaju pojedinačne političke partije;
- Akcije koje su već podržane kroz druge programe EU.

4. FINANSIJSKI ASPEKT

Ukupan iznos sredstava za raspodjelu iznosi €120,000, i biće ravnomjerno podijeljen u okviru dvije kategorije – obije po €60,000.

Iznos koji može biti dodijeljen za pojedinačni projekat će se kretati u rasponu od najmanje €5,000 do najviše €20,000.

	minimum	maksimum
1. kategorija	5,000 €	10,000€
2. kategorija	10,000 €	20,000 €

Traženi iznos sredstava može biti do 100% prihvatljivih troškova (ne zahtijeva se ko-finansiranje projekta).

Nakon dodjele grantova, svim podržanim organizacijama će biti pruženo mentorstvo, vezano za samoregulaciju i razvoj strateških i organizacionih elemenata.

5. UČEŠĆE: KOME JE PROGRAM NAMIJENJEN

Pravo učešća na konkursu imaju nevladine organizacije registrovane u Crnoj Gori koje ispunjavaju sljedeće kriterijume:

- organizacija je registrovana najmanje 12 mjeseci prije isteka roka za podnošenje prijave;
- organizacija će biti direktno odgovorna za pripremu i sprovođenje projekta.



Kriterijumi za odabir organizacija u okviru 1. kategorije

- Organizacija predlaže aktivnosti na lokalnom nivou;
- Aktivna je u svojoj zajednici, i ima vidljive rezultate u radu sa korisnicima;
- Predložene aktivnosti su u skladu sa misijom organizacije i doprinose njenom ostvarivanju;
- Održivost projektnih aktivnosti i/ili rezultata projekta;
- Godišnji budžet organizacije nije bio veći od 30,000€ u prethodnoj godini;
- Organizacija je registrovana u Crnoj Gori najmanje 12 mjeseci prije isteka roka za prijavu, i ima sjedište u Crnoj Gori.

Kriterijumi za odabir organizacija u okviru 2. kategorije

- Organizacija predlaže aktivnosti na lokalnom, regionalnom ili nacionalnom nivou;
- Ima vidljive rezultate u mobilizaciji korisnika i/ili baze podrške za temu kojom se bave;
- Organizacija je često prisutna u medijima vezano za temu projekta, i ima uticaj na medijski narativ;
- Predložene aktivnosti su u skladu sa misijom organizacije i doprinose njenom ostvarivanju;
- Održivost rezultata i uticaja projekta;
- Godišnji budžet organizacije nije bio manji od 30,000€ u prethodnoj godini;
- Organizacija je registrovana u Crnoj Gori najmanje 24 mjeseci prije isteka roka za prijavu, i ima sjedište u Crnoj Gori.

Partnerstva nijesu obavezna, ali su poželjna. Registrovane mreže/koalicije se takođe mogu prijaviti.

Broj prijava po podnosiocu projekta

Organizacija može učestvovati samo jednom - ili kao podnositelj prijedloga projekta, ili kao partner.

Partneri učestvuju u kreiranju prijedloga projekta i njegovoj realizaciji i koriste finansijska sredstva pod istim uslovima koja važe i za podnosioca prijedloga projekta. Stoga, partneri moraju zadovoljiti sljedeće kriterijume:

- organizacija je registrovana u Crnoj Gori najmanje 12 mjeseci prije isteka roka za podnošenje prijave;
- ima sjedište u Crnoj Gori;
- godišnji budžet organizacije nije bio veći od 30,000€ u prethodnoj godini.

Informacije o partnerima na projektu treba da budu predstavljene u Prijavnem formularu. Za partnere je potrebno dostaviti istu prateću dokumentaciju, kao i za podnosioca prijedloga projekata.

Vrijeme trajanja realizacije projekata

Predloženi projekti mogu trajati najmanje 6, a najduže 14 mjeseci.



KAKO SE PRIJAVITI

Organizacije koje ispunjavaju navedene kriterijume se pozivaju da dostave popunjeno prijavni paket, koji se mogu preuzeti sa datih linkova:

PRIJAVNI PAKET

- 1. Prijavni formular**
- 2. Prijedlog budžeta**

Uz prijavni paket, potrebno je dostaviti i sljedeću dokumentaciju:

- **Kopiju rješenja o registraciji organizacije**
- **Kopiju statuta organizacije**
- **Kopiju finansijskog izvještaja za 2021. godinu elektronski predatog Poreskoj upravi.¹**

Rok za podnošenje prijedloga projekata

Dokumentaciju je potrebno dostaviti najkasnije **do 1. aprila 2022. (do 12h)** isključivo na e-mail adresu: **fond@faktcg.org** sa naznakom „Prijava na konkurs ODGOVORNO I SOLIDARNO“.

Nepotpuni prijedlozi projekata, prijedlozi projekata dostavljeni na neki drugi način koji nije propisan ovim konkursom, neće biti uzeti u razmatranje, kao ni prijedlozi dostavljeni na neodgovarajućim obrascima.

Za dodatne informacije se možete obratiti osoblju fAKT-a, slanjem pitanja na **fond@faktcg.org** najkasnije do 15. marta. Odgovori na pojedinačna pitanja biće dati putem elektronske pošte.

Napomena: kako bi svi podnosioci prijedloga projekata bili u ravnopravnom položaju, fAKT ne može davati mišljenje o ciljevima, aktivnostima i očekivanim rezultatima predloženih projekata, kao i o drugim elementima prijedloga projekata.

Ukoliko se procijeni da postavljena pitanja mogu biti od značaja za druge aplikante, zajedno sa odgovorima i važnim napomenama za sve, biće objavljena na sajtu fAKT-a (**www.faktcg.org**) nakon isteka roka za njihovo postavljanje, a najkasnije sedam dana prije isteka roka za prijavu.

6. OCJENJVANJE PRIJEDLOGA PROJEKATA

1. Administrativna provjera pristiglih prijava i ispunjenost osnovnih kriterijuma;
2. Prijave koje prođu administrativnu provjeru, šalju se Komisiji za dodjelu grantova na razmatranje;
3. Kad Komisija procijeni sve prijedloge projekata, biće napravljen spisak projekata rangiranih prema njihovoj ukupnoj ocjeni/broju bodova. Prijave sa najvećim brojem bodova će biti preliminarno odabrane, dok se ne dostigne raspoloživi budžet za konkurs.
4. Spisak podržanih projekata će biti objavljen na web stranici fAKT-a i partnerskih organizacija.

¹ sa brojem iskaza koji dodjeljuje Poreska uprava, odnosno Uprava prihoda i carina.



Procjena se vrši u sljedećim oblastima (za više informacija pogledati evaluacionu/bodovnu listu na narednoj strani):

- Operativni i finansijski kapacitet organizacije;
- Relevantnost projektnog prijedloga u odnosu na cilj, prioritete i oblasti samog konkursa;
- Efektivnost i izvodljivost;
- Održivost;
- Budžet i finansijska isplativost

7. NAREDNI KORACI:

1. **On-line informativna sesija: 14. marta u 11h** (*informacije o načinu prijavljivanja će biti objavljene na web stranici fAKT-a, i putem mailing lista, najkasnije 10. marta*)
2. Obavještavanje organizacija (svih aplikantata) o rezultatima konkursa: 25. april 2022.
3. Potpisivanje ugovora: 1-5. maj 2022.

Napomena: Ukoliko dođe do izmjene datuma pod tačkama 2. i 3., iste će pravovremeno biti objavljene na web-stranici fAKT-a

EVALUACIONA LISTA ZA 1. KATEGORIJU

Oblast/kriterijumi	Maksimalan broj bodova
1. Operativni i finansijski kapacitet	30
1.1. U kojoj mjeri su postojeći organizacijski i upravljački kapaciteti (ljudski i tehnički resursi) razvijeni u odnosu na potrebe projekta?	15
1.2. Relevantno prethodno iskustvo organizacije za realizaciju projekta	15
2. Relevantnost	30
2.1. Relevantnost projekta za ciljeve i prioritete Poziva/konkursa	15
2.2. Relevantnost za konkretnе potrebe ciljnih grupa	15
3. Efektivnost i izvodljivost	15
3.1. Mjera u kojoj su predložene aktivnosti adekvatne i usklađene sa ciljevima i očekivanim rezultatima projekta	5
3.2. Jasan i ostvarljiv plan aktivnosti	5
3.3. Saradnja sa relevantnim akterima u zajednici	5
4. Održivost	15
4.1. Potencijal projekta da ostvari konkretan uticaj na ciljne grupe	5
4.2. Potencijal projekta da posluži kao primjer drugima koji tretiraju istu/sličnu problematiku	5
4.3. Održivost očekivanih rezultata	5
5. Budžet i troškovna efektivnost	10
5.1. Primjerenost troškova planiranim aktivnostima	5
5.2. Odnos između procijenih troškova i očekivanih rezultata	5
Maksimalan broj bodova	100



EVALUACIONA LISTA ZA 2. KATEGORIJU

Oblast/kriterijumi	Maksimalan broj bodova
1. Finansijski i operativni kapacitet	30
1.1. U kojoj mjeri su postojeći organizacijski i upravljački kapaciteti (ljudski i tehnički resursi) razvijeni u odnosu na potrebe projekta?	15
1.2. Relevantnost prethodnog iskustva organizacije za realizaciju predloženog projekta, uključujući i zastupljenost u medijima vezano za temu projekta.	15
2. Relevantnost	30
2.1. Relevantnost projekta za ciljeve i prioritete Poziva/programa	15
2.2. Relevantnost za konkretnе potrebe i probleme ciljnih grupa	15
3. Efektivnost i izvodljivost	15
3.1. Mjera u kojoj su predložene aktivnosti adekvatne i usklađene sa ciljevima i očekivanim rezultatima projekta.	5
3.2. Jasan i ostvarljiv plan aktivnosti	5
3.3. Da li projekat sadrži provjerljive indikatore ishoda projektnih aktivnosti? Da li je planirana evaluacija (kvalitet iste)?	5
4. Održivost	15
4.1. Potencijal projekta da ostvari konkretan uticaj na ciljne grupe	5
4.2. Potencijal projekta da posluži kao primjer drugima koji tretiraju istu/sličnu problematiku	5
4.3. Održivost očekivanih rezultata	5
5. Budžet i troškovna efektivnost	10
5.1. Primjerenost troškova planiranim aktivnostima	5
5.2. Odnos između procijenih troškova i očekivanih rezultata	5
Maksimalan broj bodova	100